



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 121/2014

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Xhevdet Abazi kryesues, Hasan Shala dhe Nenad Laziq anëtarë, duke vendosur përkitazi me ankesën e subjektit politik Lidhja Demokratike e Kosovës (LDK) me seli në Prishtinë, paraqitur kundër Lëvizjes Vetëvendosje (LVV) me seli në Prishtinë, për shkak të vendosjes së posterave në rrugë publike, për Zgjedhjet e Parakohshme për Kuvendin e Republikës së Kosovës, në seancën e panelit të mbajtur me datë 05.06.2014, mori këtë:

VENDIM

Miratohet si e bazuar ankesa e subjektit politik Lidhja Demokratike e Kosovës (LDK) me seli në Prishtinë, kështu që Lëvizjes Vetëvendosje (LVV) dega në Prishtinë i shqiptohet dënimi me gjobë në vlerë prej 800 (tetëqind) euro të cilën detyrohet ta paguaj në afat prej 15 (pesëmbëdhjetë) ditë, nga dita e pranimi të këtij vendimi.

Arsyetim

Me datën 04.06.2014, LDK-ja, ka parashtruar ankesë në PZAP, në të cilën ankesë pretendon se, me datë 03.06.2014, rreth orës 10:49, në Podujevë, mbi rrugën publike “Zahir Pajaziti” militantët e LVV-së, kanë vendosur banerin e kandidatit të tyre për deputet të Kuvendit të Republikës së Kosovës.

Parashtruesi i ankesës ka theksuar se është shkelur neni 4 paragrafi 4.1 pika (b) e Rregullës Zgjedhore nr.11/2013 i Kodit të Mirësjelljes për Subjektet Politike, Mbështetësit e tyre dhe Kandidatët.

Parashtruesi i ankesës ka kërkuar që të ndërmerren masa ligjore. Në cilësi të provës ka bashkangjitur dy fotografi si dëshmi .

PZAP-i, në kuptim të nenit 4 paragrafi 3 të Rregullave dhe Procedurave të PZAP-it dhe në kuptim të nenit 120 paragrafi 1 pika a) të LZP-së, PZAP-i me datën 04.06.2014 e informoi LVV-në për ankesën që është bërë ndaj këtij subjekti politik prandaj ka kërkuar që të përgjigjet në Kërkesë për përgjigje dhe Urdhër për të Ndërramrë Masa Përmirësuese, lidhur me ankesën Anr.121/14 që është bërë ndaj këtij subjekti politik prandaj ka kërkuar që të përgjigjet ndaj ankesës deri më datë 05.06.2014 deri në ora 09:00.

PZAP-i, e pranoi përgjigjen në ankesë sipas afatit të caktuar në të cilin theksohet se, aktivistët e LVV-së kanë shkuar në vendin e ngjarjes ku ishte vendosur baneri në fjalë dhe të njejtin e kanë hequr konform udhëzimeve nga ana e shtabit Qendror të LVV-së. Më tutje ka shtuar se, LVV-ja i ka marrë të gjitha masat për të evituar të gjitha shkeljet e mundshme nga anëtarët, mbështetësit si dhe kandidatët e tyre.

Parashtruesi i ankesës përgjigjes në ankesë i ka bashkangjitur 5 (pesë) fotografi si dëshmi.

PZAP-i, pasi që shqyrtoj dhe analizoi shkresat e lëndës gjeti se:

ankesa është e bazuar

Nga fotografitë e ofruara si provë të cilat gjendet në shkresat e lëndës shihet qartë se si posteri i kandidatit për deputet nga radhët e LVV-së është vendosur mbi rrugën publike, gjë që e bën përgjegjës LVV-në, veprim i cili është në kundërshtim me dispozitën e nenit 33 pika (b) të LZP-së nr.03/L-73, të cilat përcaktojnë veprimet e ndaluara nga ana e subjekteve politike gjatë periudhës së fushatës zgjedhore. që ndalon mbulimin e posterave nga një subjekt tjetër politik.

Për përcaktimin e lartësisë së gjobës të vendosur në dispozitiv të këtij vendimi PZAP-i, ka marrë parasysh faktorët në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;
- Nëse subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Nëse subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë si dhe
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

PZAP-i, mori parasysh të gjitha rrethanat si rëndësuese ashtu edhe rrethanat lehtësuese. Si rrethanë rëndësuese mori se subjekti LVV ka marrë pjesë edhe në zgjedhjet e kaluara dhe se është i njoftuar me rregullat zgjedhore, si dhe faktin se posteri i kandidatit për deputet ka qenë i vendosur në vendin e palejuar për vendosjen e tyre. Ndërsa si rrethanë lehtësuese PZAP-i, mori se subjekti në fjalë, pas marrjes së kërkesës për përgjigje dhe urdhrit për për mirësimin e shkeljes se pretenduar në ankesë nga PZAP-i, brenda afatit të caktuar, i'ka ndërmarr veprime të dukshme për evitimin e shkeljes duke i larguar menjëherë posterat nga vendi ku ka ndodhur shkelja, po ashtu ka ofruar dëshmi që më datë 201.05.2014 janë informuar shefat e shtabeve zgjedhore për rregullat e kodit të mirësjelljes për subjektet politike.

Andaj PZAP-i duke marrë parasysh të gjitha arsyet e lartcekura se nga ana e subjektit LVV është shkelur neni 33 pika (b) të LZP-së, si dhe duke pasur parasysh veprimet e menjëhershme të LVV-së për evitimin e shkeljes si dhe përpjekjet për të parandaluar veprimet e ndaluara në bazë të provave të cilat i ka ofruar të bashkangjitura përgjigjes në ankesë e të cilat veprime kanë ndikuar në lartësinë e gjobës së shqiptuar, PZAP-i në kuptim të nenit 120.1 dhe nenit 118.1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashitresa

Anr. 121/2014 më datën 05.06.2014.

Kryesuesi i Panelit
Xhevdet Abazi



Këshillë Juridike:

PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i, në rast se gjoba e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.*